



JAMHURI YA MUUNGANO WA TANZANIA

WIZARA YA MAWASILIANO NA
TEKNOLOJIA YA HABARI

Jarida La Mtandaoni

Toleo la Saba, 2021



**DKT. ZAINAB CHAULA AFUNGUA
MAFUNZO YA MATUMIZI YA
MOBILE APP YA MFUMO WA
ANWANI ZA MAKAZI NA POSTIKODI**

DKT. ZAINAB CHAULA AFUNGUA MAFUNZO YA MATUMIZI YA MOBILE APP YA MFUMO WA ANWANI ZA MAKAZI NA POSTIKODI



Richard Magubila Afisa TEHAMA wa Wizara ya Mawasiliano na Teknolojia ya Habari, akimunyesha Katibu Mkuu wa Wizara hiyo, Dkt. Zainab Chaula namna ya kujaza taarifa za anwani za makazi na postikodi kwenye mfumo wa programu tumizi (mobile app) akiwa nyumbani kwa Luth Makelele, Mtaa wa Mabombani, Kata ya Capripoint, Mwanza.

Na Prisca Ulomi

Katibu Mkuu wa Wizara ya Mawasiliano na Teknolojia ya Habari, Dkt. Zainab Chaula amefungua mafunzo ya programu tumizi (mobile app) ya mfumo wa anwani za makazi na postikodi kwa watendaji 175 wa Ofisi ya Mkuu wa Mkoa, halmashauri za Jiji la Mwanza, Manispaa ya Ilemela na wenyeviti wa Serikali za Mtaa wa Halmashauri hizo mkoani Mwanza.

Dkt. Chaula amefungua mafunzo hayo ya kujenga uelewa kwa watendaji hao ili kufanikisha utekelezaji, matumizi na manufaa ya mfumo wa anwani za makazi na postikodi ambapo mfumo huu utawawezesha watendaji wa Serikali ya Mtaa kuwa na taarifa za wakazi kiganjani kwa kuwa kila mwananchi atafahamika nyumba na mtaa anaoishi na kila mwananchi atakuwa na anwani ya makazi ya mahali alipo iwe mahali pa kazi, ofisini au biashara hivyo kuwezesha upatikanaji, upokeaji na upelekaji na upelekaji wa huduma kwa wananchi.

“Mtu akiamka kitandani kitu cha kwanza anaangalia simu kuona je ametafutwa, kuna ujumbe wowote hivyo hii inaonesha mawasiliano ni jambo la msingi katika kipindi hiki tofauti na miaka ya nyuma ambapo mawasiliano yalionekana ni anasa na sasa programu tumizi (mobile app) ya mfumo huu itarahisha utambulisho wa watu, kuwezesha utambuzi wa mwelekeo na maeneo ambapo mtu anataka kwenda, kuwezesha biashara mtandao, kuongeza ukusanyaji wa mapato na kufanikisha usalama wa nchi”, amefafanua Dkt. Chaula.

Naye Mkuu wa Mkoa wa Mwanza, John Mongella amesema kuwa postikodi ni jambo muhimu kwa maendeleo ya taifa na ana imani na Dkt. Chaula kuwa kazi hii sasa ya kuweka miundombinu ya mfumo wa anwani za makazi na postikodi unafika mwisho.

Mkurugenzi wa Mawasiliano wa Wizara hiyo, Mhandisi Clarence Ichwekeleza amesema kuwa utekelezaji wa mfumo huu unaendelea kwenye Halmashauri ya jiji la Mwanza na ya Manispaa ya Ilemela ambapo Taasisi ya Teknolojia ya Dar es Salaam inaweka nguzo za majina ya mitaa zipatazo 5,300 na vibao vya namba za nyumba 92,796 kwenye kata 18 na kazi imeanza kutekelezwa mwezi Februari, 2021 na itakamilika kwa muda wa kipindi cha miezi sita kwa gharama ya shilingi 1,357,356,832.



Mkurugenzi wa Mawasiliano wa Wizara ya Mawasiliano na Teknolojia ya Habari, Mhandisi Clarence Ichwekeleza akifafanua jambo kwa Wenyevitani wa Serikali za Mitaa, Mwanza kuhusu programu tumizi (mobile app) ya mfumo wa anwani za makazi na postikodi. Wa kwanza kushoto ni Katibu Mkuu wa Wizara hiyo, Dkt. Zainab Chaula na wa kwanza kulia ni Mhandisi Francis Mihayo, Mkuu wa Kanda ya Ziwa wa Mamlaka ya Mawasiliano Tanzania.

Mganga Mkuu wa Serikali, Dkt. Aifelo SichaIwe aliwaeleza Wenyeviti wa Serikali za Mitaa kuwa TEHAMA ni mwambata wa Sekta ya Afya na mifumo yake inatumika kuhudumia wananchi kwa kuwapatia matibabu, vipimo, dawa, vifaa tiba na vitendanishi, bima ya afya hivyo TEHAMA inaboresha utoaji wa huduma za afya kwa wananchi hivyo amewataka wasimamie utekelezaji wa mfumo huu kama wanavyofanya kwenye sekta nyingine za elimu na maji.

Akizungumza kwa niaba ya Mkurugenzi wa jiji la Mwanza, Afisa Mipango wa Jiji hilo na Mwenyekiti wa Kamati ya utekelezaji ya mfumo huu, Moses Seleki amemhakisikia Dkt. Chaula kuwa Mwanza watashirikiana vema na viongozi wao wa Serikali za Mitaa kutumia na kulinda miundombinu hii

Mwenyekiti wa Serikali ya Mtaa wa Nela, Abubakari Seif akizungumza kwa niaba ya wenyeviti wenzake wa Serikali za Mitaa, amesema kuwa Serikali imewathamini kwa kuwapatia mafunzo ya kujenga uelewa kuhusu mfumo huu kwa kuwa anwani za makazi na postikodi ni suala la ulinzi na usalama, uchumi, kodi ya ardhi, bima ya afya na majanga ya moto hivyo Tanzania imeingia kwenye hatua kubwa ya maendeleo kwa kutumia anwani za makazi na postikodi.

Pia, Mkuu wa Wilaya ya Nyamagana, Dkt. Phillis Nyimbi pamoja na wa Wilaya ya Ilemela, Dkt. Seveline Lalika wamemweleza Dkt. Chaula kuwa watatoa kipaumbele kwa kusimamia na kufuatilia utekelezaji wa mfumo huu kwenye maeneo yao ili Jiji la Mwanza liwe la mfano wa kuigwa nchini.



Mtaalamu wa kutengeneza mifumo ya TEHAMA wa Chuo Kikuu cha Dodoma, Fredrick Apina akitoa mafunzo kuhusu programu tumizi (mobile app) ya anwani za makazi na postikodi kwa Wenyeviti wa Serikali za Mtaa wa Mwanza ili kufanikisha utekelezaji wa mfumo huo kwa wananchi wakati Katibu Mkuu wa Wizara ya Mawasiliano na Teknolojia ya Habari, Dkt. Zainab Chaula (hayupo pichani) alipofungua mafunzo hayo.

SERIKALI MBIONI KUTUNGA SHERIA YA KULINDA TAARIFA BINAFSI



Waziri wa Mawasiliano na Teknolojia ya Habari, Dkt. Faustine Ndugulile akizungumza wakati Mamlaka ya Mawasiliano Tanzania (TCRA) ikiwasilisha taarifa kuhusu huduma za mawasiliano na intaneti kwa Wabunge, Bungeni Dodoma. Kulia ni Naibu Spika wa Bunge la Jamhuri ya Muungano wa Tanzania Mhe. Dkt. Tulia Ackson na katikati ni Mwenyekiti wa Kamati ya Kudumu ya Bunge ya Miundombinu Mhe. Seleman Kakoso.

Na Prisca Ulomi

Waziri wa Mawasiliano na Teknolojia ya Habari, Dkt Faustine Ndugulile amesema kuwa Wizara yake iko mbioni kupeleka Bungeni muswada utakaoweze-sha kutungwa kwa Sheria ya Kulinda Taarifa Binafsi ili kulinda faragha na taarifa za mwananchi.

Dkt. Ndugulile ameyasema hayo kwenye ukumbi wa Bunge, Dodoma wakati akijibu mijadala mbalimbali iliyotolewa na Wabunge kwenye semina iliyotolewa kwao kuhusu huduma za mawasiliano na intaneti ili waweze kufahamu namna Wizara inavyotekeleza majukumu yake kwa kushirikiana na taasisi zilizo chini yake.

Ameongeza kuwa Wizara inaandaa sheria hiyo ili kulinda faragha na taarifa binafsi za wananchi katika hatua ya ukusanyaji wa taarifa, usafirishaji, matumizi na utunzaji wa taarifa hizo kwa kuwa taasisi mbalimbali zinatumia taarifa husika hivyo amewataka Wabunge kuwa tayari pindi pendekezo la muswada litakapowasilishwa Bungeni ili sheria hiyo iweze kutungwa kwa maslahi mapana ya taifa.

“Hivi sasa ujambazi umehama kutoka silaha za mkononi na kuhamia mtandaoni, Serikali itaendelea kuelimisha wananchi, kuboresha mifumo na teknolojia ili nchi iwe mbele zaidi katika kudhibiti uhalifu mtandaoni,” amesisitiza Dkt. Ndugulile.

Mwenyekiti wa Kamati ya Kudumu ya Bunge ya Miundombinu, Seleman Kakoso amehauri Serikali iongezee fedha za kuuwezesha Mfuko wa Mawasiliano kwa Wote (UCSAF) kutoa ruzuku ya kutosha kwa kampuni za simu ili mawasiliano yafike kwa wananchi wote ikiwemo kuongeza usikivu wa redio kwenye maeneo ya mipakani.

Naibu Spika wa Bunge la Jamhuri ya Muungano wa Tanzania, Dkt. Tulia Akson aliipongeza Wizara kwa kuleta semina hiyo kwa Wabunge na anatamani katika kipindi kifupi Wabunge wasizungumzie changamoto ya mawasiliano katika maeneo yao kwa kuwa mawasiliano ni huduma ya msingi kama ilivyo maji, barabara.

Naye Mkurugenzi Mkuu wa Mamlaka ya Mawasiliano Tanzania (TCRA), Dkt. Jabir Kuwe amesema kuwa nchi inaelekea kutumia huduma ya 5G na majaribio yatafanyika ili kuhakikisha kasi ya teknolojia inayotakiwa inapatikana ili kuongeza huduma ya mawasiliano ya data nchini.



Naibu Spika wa Bunge la Jamhuri ya Muungano wa Tanzania Mhe. Dkt. Tulia Ackson (kulia) akifunga kikao cha Mamlaka ya Mawasiliano Tanzania baada ya kuwasilisha taarifa kuhusu huduma za mawasiliano na intaneti kwa Wabunge Bungeni Dodoma. Kushoto ni Waziri wa Mawasiliano na Teknolojia ya Habari, Dkt. Faustine Ndugulile na katikati ni Mwenyekiti wa Kamati ya Kudumu ya Bunge ya Miundombinu Mhe. Seleman Kakoso.



Katibu Mkuu wa Wizara ya Mawasiliano na Teknolojia ya Habari Dkt. Zainab Chaula (kushoto) akifuatilia wasilisho la Mkurugenzi Mkuu wa Mamlaka ya Mawasiliano Tanzania (TCRA), Dkt. Jabir Kuwe kuhusu huduma za mawasiliano na intaneti kwa Wabunge Bungeni, Dodoma. Anayefuata ni Mkurugenzi Msaidizi wa Tathmini na Ufuatiliaji wa Wizara hiyo, Elisa Mbise.



Baadhi ya Wabunge wakifuatilia wasilisho la Mkurugenzi Mkuu wa Mamlaka ya Mawasiliano Tanzania (TCRA), Dkt. Jabri Kuwe (hayupo pichani) kuhusu huduma za mawasiliano na intaneti kwa Wabunge Bungeni, Dodoma kwa niaba ya Waziri wa Mawasiliano na Teknolojia ya Habari, Dkt. Faustine Ndugulile.

DKT. NDUGULILE ATEMBELEA MAONESHU YA MAKISATU DODOMA

Na Faraja Mpina

Waziri wa Mawasiliano na Teknolojia ya Habari Dkt. Faustine Ndugulile ametembelea mabanda ya wabunifu mbalimbali kwenye Mashindano ya Kitaifa ya Sayansi, Teknolojia na Ubunifu (MAKISATU) yanayoendelea kufanyika katika viwanja vya Jamhuri jijini Dodoma yaliyoandaliwa na Wizara ya Elimu, Sayansi na Teknolojia.

Akizungumza mara baada ya kutembelea mabanda ya wabunifu hao Dkt. Ndugulile ameipongeza Wizara ya elimu, sayansi na teknolojia kwa kubuni mashindano ya MAKISATU ambayo yanasaidia kuvumbua vipaji na ubunifu uliopo ndani ya nchi

“Nimeona ubunifu mwingi katika maonesho haya na nimefurahishwa na ubunifu wa vijana wadogo, wengine wapo shule za msingi ambao wamekuja na majibu ya changamoto ambazo tunazo kwenye jamii”, alisema Dkt. Ndugulile



Waziri wa Mawasiliano na Teknolojia ya Habari Dkt. Faustine Ndugulile akiangalia ubunifu wa vifaa vya kugawanya vitengo vya umeme wakati akitembelea mabanda ya wabunifu mbalimbali kwenye Mashindano ya Kitaifa ya Sayansi, Teknolojia na Ubunifu (MAKISATU) yanayoendelea kufanyika katika viwanja vya Jamhuri jijini Dodoma.

MAELEZO YA PICHA: DKT. NDUGULILE ATEMBELEA MAONESHU YA MAKISATU

Aliongeza kuwa Wizara yake inafanya kazi kwa karibu sana na Wizara ya Elimu, Sayansi na Teknolojia na lengo la kwenda katika maonesho hayo ni kuangalia ubunifu uliopopo ili kujipanga katika maonesho ya mwakani Wizara yake wasishiriki kama waalikwa bali Wizara hizo mbili zishirikiane kufanya maandalizi pamoja na ushiriki yakinifu.

Dkt. Ndugulile amezungumzia masuala ya ubunifu kama kipengele ambacho Wizara anayoismamia inahusika moja kwa moja hasa kipengele cha ubunifu katika TEHAMA, na kuahidi kushirikiana na Wizara ya Elimu, Sayansi na Teknolojia ili katika maeneo ambayo Wizara yake ina ushiriki waweze kuyatafutia ufumbuzi.

Aidha, Dkt. Ndugulile amesema kuwa ni muda muafaka wa kuangalia suala la ubunifu katika mtazamo mpya kama nchi kwa kuwajengea uwezo vijana wabunifu waweze kutengeneza bidhaa na kuwatafutia masoko ili wauze bidhaa au kampuni walizozitengeneza na kwenda kufanya ubunifu mwingine mpya ili kuendelea kupiga hatua kama Taifa.



Waziri wa Mawasiliano na Teknolojia ya Habari Dkt. Faustine Ndugulile akitoka akiangalia ubunifu wa hadubini katika banda la Chuo cha Kumbukumbu ya Mwalimu Nyerere wakati akitembelea mabanda ya wabunifu mbalimbali kwenye Mashindano ya Kitaifa ya Sayansi, Teknolojia na Ubunifu (MAKISATU) yaliyofanyika katika viwanja vya Jamhuri jijini Dodoma.



Waziri wa Mawasiliano na Teknolojia ya Habari Dkt. Faustine Ndugulile akiangalia ubunifu wa hadubini katika banda la Shule ya Sekondari ya Bunda wakati akitembelea mabanda ya wabunifu mbalimbali kwenye Mashindano ya Kitaifa ya Sayansi, Teknolojia na Ubunifu (MAKISATU) yanayoendelea kufanyika katika viwanja vya Jamhuri jijini Dodoma.



Waziri wa Mawasiliano na Teknolojia ya Habari Dkt. Faustine Ndugulile akiagana na Naibu Katibu Mkuu wa Wizara ya Elimu, Sayansi na Teknolojia Profesa James Mdoe baada ya kutembelea mabanda ya wabunifu mbalimbali kwenye Mashindano ya Kitaifa ya Sayansi, Teknolojia na Ubunifu (MAKISATU) yanayoendelea kufanyika katika viwanja vya Jamhuri jijini Dodoma.

MAELEZO YA PICHA KAMATI YA BUNGE YA MIUNDOMBINU YAPATA SEMINA KUHUSU HUDUMA ZA MAWASILIANO NA INTANETI



Waziri wa Mawasiliano na Teknolojia ya Habari, Dkt. Faustine Ndugulile akifafanua jambo kwa wajumbe wa Kamati ya Kudumu ya Bunge ya Miundombinu (hawapo pichani) kuhusu huduma za mawasiliano na intaneti Bungeni, Dodoma. Aliyeketi katikati ni Dkt. Zainab Chaula, Katibu Mkuu na anayesikiliza ni Naibu Katibu Mkuu, Dkt. Jim Yonazi wa Wizara hiyo .



Mkurugenzi Mkuu wa Mamlaka ya Mawasiliano Tanzania, Dkt. Jabir Bakari akifafanua jambo kwa wajumbe wa Kamati ya Kudumu ya Bunge ya Miundombinu baada ya Waziri wa Wizara ya Mawasiliano na Teknolojia ya Habari, Dkt. Faustine Ndugulile (hayupo pichani) kuwasilisha taarifa kuhusu mawasiliano na intaneti kwa Kamati hiyo Bungeni, Dodoma. Wa kwanza kulia ni Katibu wa Wizara hiyo, Dkt. Zainab Chaula na katikati ni Naibu Katibu Mkuu, Dkt. Jim Yonazi



Waziri wa Mawasiliano na Teknolojia ya Habari, Dkt. Faustine Ndugulile akitoa taarifa kwa wajumbe wa Kamati ya Kudumu ya Bunge ya Miundombinu kuhusu huduma za mawasiliano na intaneti Bungeni, Dodoma. Aliyeketi wa pili kulia ni Katibu Mkuu wa Wizara hiyo, Dkt. Zainab Chaula na wa kwanza kushoto ni Makamu Mwenyekiti wa Kamati hiyo, Anne Kilango Malecela.



Mwenyekiti wa Kamati ya Kudumu ya Bunge ya Miundombinu, Seleman Kakoso akizungumza baada ya Waziri wa Mawasiliano na Teknolojia ya Habari, Dkt. Faustine Ndugulile (aliyeketi mbele katikati) kuwasilisha taarifa kuhusu mawasiliano na intaneti kwa Kamati hiyo Bungeni, Dodoma. Katibu Mkuu wa Wizara hiyo, Dkt. Zainab Chaula, akimsikiliza.



**Limeandaliwa na Kitengo cha Mawasiliano Serikalini
Wizara ya Mawasiliano na Teknolojia ya Habari
S.L.P. 677,40470 Dodoma, Tanzania
Barua pepe: ps@mawasiliano.go.tz
Tovuti: www.mawasiliano.go.tz
Instagram: [Wizaramth](#)**